



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvirgensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauensium, ac Brixinensium

Hund, Wiguleus

Monachii, 1620

Diploma Henrici Bauariae Ducis, cuius sub Ottone Episcopo D. Hundius mentionem facit.

urn:nbn:de:hbz:466:1-13553

Patau. in Capitulo, anno Domini M. CC. LXI. VIII. Kal. Martij, Pontificatus Domini nostri O. Patauien. Episcopi anno VIII.

Diploma Henrici Bauariae Ducis, cuius sub Ottone Episcopo D. Hundius mentionem facit.

HAinricus Dei gratia Palatinus comes Rheni, Dux Bauariae, vniuersis hanc Auditoris paginam, vel visuris in perpetuum. In omnem venit notitiam, quam sit laudabiliter ordinata prouiso contra obliuionis & calumniarum discrimina, competenti remedio testium & scripturae gesta principum perenni memoria commendari. Quapropter, tenore praesentium, singulorum notitijs cupimus aperire, quod cum longo hactenus tractu temporis inter Patauien. Ecclesiam ipsiusque pontifices Rectores, ex vna parte, nostrosque progenitores & nos, ex altera, diuersarum durauerit controuersia quaestionum, quae ducta saepe in actus bellicos & discordes, vtriusque partis damna non modica dinoscitur intulisse; inspirante domino, quo iudice ad vindictam malorum, laudem vero bonorum, nostri gerimus gubernaculum principatus; praesidente quoque ipsi Ecclesiae Domino Ottone, venerabili Episcopo, de communi consilio & consensu Capituli, & ministerialium eiusdem Ecclesiae, nostrorumque amicorum & fidelium consilijs, & inductu praelibatae deliberationis maturae, cum domino Episcopo & Ecclesiam memorata duraturam perpetuo concordiam contraximus, in hunc modum; quod videlicet nos & haeredes nostri, vna cum Luduico fratre nostro germano, si pro eo duxerimus postulandum, a praedicta Ecclesia in feodo teneamus omnia, quae bonae memoriae de Pogen, & de Ortenberg comites, & Palatinus Bauariae, ab eadem Ecclesia feodi titulo possiderunt, quae & nos hactenus, praeterquam in Austria, dinoscimur possedisse. Habebimus insuper eodem titulo commercium inter fluuios Warnach & Regenpurke, a superiori & Siezelpach, & Vtelpach ab inferiori parte distinctam. E conuerso quidem decimas in Gnauturge & Periug ipsi Ecclesiae Patau. restitimus absolutas, ac etiam decimas noualium in Landaue, iure patronatus eiusdem parrochialis Ecclesiae in Greimnoringe siue Landaue nostrae ditioni perpetuo remanente. Rotenberch quoque, cum suis pertinentijs, liberè dimittimus ipsi Ecclesiae Patauien. Et similiter Seebach, eum suis attinentijs; & quicquid iuris in pascuis & sylua Wedern habuit ex antiquo. Obligationem bonorum in Ahalming, Penrling, & Herchvich producens. Marc argent quondam a praedicta Ecclesia nobis factam spontaneè relaxamus. Cedimus etiam iuri nostro castrensi in Obernperge, ac etiam infeodationi alterius duarum domuum in Nouo foro Patauae sitarum, quae Wengarij siue Holzhamerij nuncupantur. Ad haec, si quam patietur impetitionem dominus Episcopus, aut Ecclesia memorata, ab haeredibus comitis de Ortenberg, pro suis bonis, quae ad nostram possessionem, ex decessu progenitorum suorum, sunt praefate infeodationis titulo deuoluta, de tali impetitione ipsum Episcopum & Ecclesiam absoluemus. Item a bonis, in Helmbrechtskirchen spectantibus, planè cedimus; contra pertinentiarum ipsius detentores cooperaturi dño Episcopo, iustitià mediante. In praedijs quoque ipsius Epi, praeter antiqua iura, iudicium non exercebimus nos, vel nostri: de quibus iuribus si contentio suborta fuerit, ad consilium vtrinque trium virorum terminabitur, adhibita conscientia Vicinorum infra riuulos; quippe Stampach & Marchpach. Et ciuitatis Patauien. iudicio & aduocatià carebimus. Alias vero in bonis capituli Patauien. & Nicolaitarum iudicio & Aduo-

catiâ nostrâ fruemur. Vtraq; sanè moneta, nostra videlicet ac etiam ciuitatis prædictæ, absque impedimento partis alterius, cursum debitum obtinebit. Ceterum tam Episcopus idem, quàm Capitulum, & nos, cassabimus & refutabimus instrumenta quælibet, siue privilegia, obtenta olim ab alterutrâ partium contra alteram, puta, de Lynza & Anaso, & consimilibus, vtrobiq; carebunt ex nunc omni robore firmitatis. De victualibus Domini Episcopi, ac etiam capituli, & Conuentus dominarum Patauiensium in terris & aquis nostris, per Bauariam, nec muta, nec theoloneum requiretur. Et hoc ipsum nobis obseruabitur in omnibus locis Ecclesiæ supradictæ. Demùm si quis ex ministerialibus vtriusq; partis, & alterius familiâ vxorem duxerit, gratum vtrinq; tenebitur, & proles inde nata æqualiter diuidetur, & primogenitus patrem sequatur, ex iure pertinentiæ; vnicus autem hæres communis erit, & proles ex eo gærita diuidetur. Nec ob alternata huiusmodi coniugia carebunt iure suo proprietatis vel feodi contrahentes, hoc iure seruando de cõtractibus, tam præteritis, quàm futuris. Ad quorum omnium perhennem obseruantiam, iuramentis partium super altare beati Stephani prothomartyris confirmatam, præsentem literam sigillo nostro placuit communiri, cum testibus annotatis, qui sunt; Meingotus Præpositus, Poppo Decanus, Otto Cantor, & cæteri fratres eiusdem capituli. Ex laicis verò, Fridericus Burggrauus de Nürenberg, Albertus de Hals, Hainricus de Rorbach, Otto de Frauenberg, Heinricus de Pheling, Grimaldus de Preysing, Heinricus de Rorr, Wimarus Asinus, Harliebicus de Weniser, Richgerus de Akaim, Hainricus de Harthaim, Otto de Trima, & alij quàm plures. Actum Patauiæ anno incarnat. Domini MCCLXII. Calend. Ianuarij.

Diplomata quæ hic insinuantur, isthæc sunt.

Ecce.

L.

OTtocarus Dei gratia Rex Boemorum, Dux Austriæ, Styriæ, Marchio Morauia, vniuersis suis Iudicibus & officialibus per Austriam gratiam suam, & omne bonum. Licet omnium Ecclesiarum profectibus & quieti semper intendere totis viribus teneamur, venerabilis tamen patris, domini Patauien. Episcopi, quem, propter suæ deuotionis merita, quibus nobis ab antiquo gratus exiit, & Ecclesiæ suæ Patauien. ac hominum suorum, iura & libertates, quibus ab aliquibus est sæpius derogatum, volentes firma & illibata in posterum conseruare sub obtentu gratiæ nostræ; vobis vniuersis & singulis damus firmiter in mandatis, vt in bonis & possessionibus ipsius domini Episcopi, quocunq; censeantur nomine, nullam præsumentes exercere iudiciariam potestatem. Hijs tamen exceptis casibus, qui damnationem mortis requirunt, in quibus suam iurisdictionem non debet nec poterit exequi, sed ad forum pertinent iudicis temporalis. Præterea cum sui, & nostri homines gaudere merito debeant e quo iure, vestræ similiter vniuersitati præcipiendo districtè cõmittimus, vt ciues ipsius de Mauitarn, de Euerdinge, & quoscunq; alios homines ipsius, per aquas & terras, omni iure & libertate perfrui securè ac liberè permittatis, quo nostri ciues & homines gaudere in huiusmodi cognoscuntur, nec ipsos in aliquo, contra huiusmodi mandati nostri seriem, de cætero impedire, vel artare, super quo turbaremur grauiter, attemptetis, scientes, quòd omnes, qui in præmissis eidem domino Episcopo de se præstiterint vltèrius materiam conquirendi, animaduersione seuerâ taliter puniemus, quòd cæteris in exemplum

*presuma-
tm.*

trans-